



## Upplýsinga-öryggisstefna Regnbogans

Regnboginn varðveitir viðkvæmar og í sumum tilfellum persónugreinanlegar upplýsingar sem ekki má nota í öðrum tilgangi en vegna starfsemi skólans.

Skólinn heitir því að gæta fyllsta öryggis í meðferð upplýsinga er varða börnin, foreldra og starfsfólk skólans eins og best er hægt á hverjum tíma. Skólinn hefur sett stefnu um formlegt verklag vegna vinnu starfsmanna og þjónustuaðila við gögn og kerfi skólans. Öryggisstefnan nær til umgengni og vistunar allra gagna sem eru í vörslu hjá skólanum sem og samstarfs- og þjónustuaðila, hvort sem þær eru á rafrænu formi, prentuðu eða í mæltu máli.

Ef skaði verður þá er Markmið öryggiskerfisins að lágmarka tjón fyrir börn, foreldra, starfsfólk og leikskólann.

### Trúnaður:

Skólinn útfærir vinnu sína á þann veg að sem minnstar líkur séu á því að utanaðkomandi aðilar fái aðgang að upplýsingum í heimildarleysi. Við undirritun ráðningasamnings heitir starfsmaður því að fara með allar persónulegar upplýsingar sem hann verður áskynja um börn leikskólans og fjölskyldur þeirra sem trúnaðarmál. Sama á við um trúnað er varðar einkahagi samstarfsfólks sem og viðkvæm mál er varða leikskólann. Þetta á jafnt við um það tímabil sem viðkomandi starfar við leikskólann og að starfi loknu.

### Réttleiki gagna:

Skólinn vill tryggja að upplýsingar sem skráðar eru hjá honum á hverjum tíma, séu réttar og nákvæmlega skráðar. Að ónákvæmar, villandi, rangar eða úreltar upplýsingar séu leiðréttar eða þeim eytt.

### Aðgengi gagna:

Skólinn vill tryggja að upplýsingar sem skráðar eru í upplýsingakerfum hans séu einungis aðgengilegar, þeim sem hafa heimild til notkunar þeirra. Jafnframt að hægt sé að endurheimta gögn sem kunna að eyðileggjast, með hjálp neyðaráætlunar og afrita sem geymd eru á örugum stað.

### Lög og reglur

Öryggisstefna þessi tekur mið af lögum og reglugerðum um persónuvernd og meðferð persónuupplýsinga (sjá lög nr. 77/2000) og af öryggisstaðlinum ÍST 27001:2013. Öryggisstefnan er í fullu samræmi við reglur Persónuverndar nr. 299/2001 um öryggi persónuupplýsinga. Stjórnendur sjá til þess að öryggisstefna skólans sé endurskoðuð og metin a.m.k einu sinni á skólaári.

Starfsmenn sem hafa aðgang að upplýsingum, sem og þeir samstarfsaðilar skólans sem koma að rekstri upplýsingakerfa skólans, skulu þekkja öryggisstefnu skólans. Um meðferð og viðbrögð við brotum á reglum þessum er vísað til laga sem og verk- og kjarasamninga.

### Öryggisnefnd og persónuverndarfulltrúi

Í öryggisnefnd Regnbogans eru, Lovísa Hallgrímsdóttir, Kristbjörg Ingimundardóttir og Fanney Guðmundsdóttir sem jafnframt er persónuverndarfulltrúi.